



**OPĆINSKI NAČELNIK**

Broj: 01-40-93-12/25

Ustikolina: 17.02.2025. godine

Na osnovu člana 70. stav 1. Zakona o javnim nabavkama („Službeni glasnik BiH”, broj: 39/14, 59/22 i 50/24) i člana 101. a u skladu sa članom 37. Statuta Općine Foča („Službene novine BPK-a Gorazde“ broj: 8/08, 11/08, 16/13 i 7/20), a na osnovu preporuke Komisije za javne nabavke broj: 01-40-93-9/25 od 14.02.2025. godine, u postupku javne nabavke radova „Nabavka motornog vozila za potrebe Civilne zaštite“, Načelnik Općine Foča **donosi**:

**ODLUKU**  
**o poništenju postupka javne nabavke**

**Član 1.**

Poništava se postupak javne nabavke roba „Nabavka motornog vozila za potrebe Civilne zaštite“, jer nijedna od primljenih ponuda nije prihvatljiva, obzirom da ne ispunjavaju zahtjeve iz tenderske dokumentacije za predmetnu nabavku, a sve u skladu sa članom 69. stav (2) tačka d) Zakona o javnim nabavkama BiH („Službeni glasnik BiH” broj: 39/14, 59/22 i 50/24).

**Član 2.**

Ova odluka objavit će se na web-stranici Općine Foča istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

**Član 3.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

**Obrazloženje**

Postupak javne nabavke pokrenut je Odlukom o pokretanju postupka javne nabavke broj: 01-40-93-1/25 od 23.01.2025. godine.

Javna nabavka je provedena putem otvorenog postupka.

Procijenjena vrijednost javne nabavke bez PDV-a je 62.393,17 KM.

Obavijest o nabavci broj: 1359-1-1-13-3-1/25 poslata je na objavu dana 24.01.2025. godine i istog dana je objavljena na Portalu javnih nabavki, istovremeno je objavljena i tenderska dokumentacija u sistemu e-nabavke. Sažetak obavještenja o nabavci objavljen je u Službenom glasniku BiH broj: 5/25 od 31.01.2025. godine.

Komisija za javnu nabavku imenovana je Rješenjem broj: 01-11-206/25 od dana 12.02.2025. godine. Tendersku dokumentaciju sa Portala javnih nabavki BiH preuzelo je 12 (dvanaest) ponuđača. Krajnji rok za dostavu ponuda bio je 14.02.2025. godine do 11<sup>00</sup> sati, te je izvršeno javno otvaranje ponuda u 11<sup>30</sup> sati, što je konstatovano Zapisnikom sa otvaranja ponuda od 14.02.2025. godine. Zapisnik sa otvaranja ponuda isti je dan poslat putem e-maila ponuđaču.

Komisija za javnu nabavku dostavila je dana 17.02.2024. godine Općinskom načelniku: Zapisnik o pregledu i ocjeni ponuda broj: 01-40-93-8/25 od 14.02.2025. godine, Preporuku o poništenju postupka javne nabavke broj: 01-40-93-9/25 od 14.02.2025. godine i Izvještaj o radu broj: 01-40-93-10/25 od 14.02.2025. godine u postupku javne nabavke roba „Nabavka motornog vozila za potrebe Civilne zaštite“.

U postupku po izvještaju o radu je utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 1 (slovima: jedna),
- da su blagovremeno zaprimljene 1 (slovima: jedna) ponuda,

- da nije bilo neblagovremeno zaprimljenih ponuda,
- da je ponuda ponuđača „Triab“ d.o.o. Sarajevo ne ispunjavaju formalno pravne uslove, odnosno zahtjeve ugovornog organa tražene Tenderskom dokumentacijom. Ponuđač je svoju ponudu, Original i Kopiju ponude, dostavio u jednoj koverti.

Tačkom 9.3.1. Tenderske dokumentacije je traženo da Dobavljač dostavlja svoju ponudu u Originalu i jednoj Kopiji, na kojima će jasno pisati: ORIGINAL PONUDA” i “KOPIJA PONUDE”. Original ponude i kopija trebaju biti zapečaćeni u neprovidnim kovertama, a potom upakovani u jednu zajedničku kovertu ili paket.

Nadalje Ponuda ponuđača „Triab“ d.o.o. Sarajevo ne ispunjava zahtjeve u pogledu opisa predmeta nabavke i tehničke specifikacije. Naime tenderskom dokumentacijom tačkom 7.1.2 navedeno je „Količinska i tehnička specifikacija kao i drugi zahtjevi koji se odnose na tehničke i druge važne aspekte predmetne nabavke su definisane u obrascu za cijenu ponude – Aneks 3. i Aneks 3A tenderske dokumentacije. Svaki ponuđač je obavezan u svojim ponudama u obrascu za zahtijevane tehničke karakteristike-ANEKS 3A, navesti tehničke karakteristike ponuđenog vozila po minimalnim stavkama iz obrasca tehničkih specifikacija. Nedostavljanje traženih podataka o tehničkim karakteristikama ponuđenog vozila kao i nuđenje karakteristika koje nisu u skladu sa zahtijevanim će rezultirati odbacivanjem ponude kao nepravilne“. Ponuđač „Triab“ d.o.o. Sarajevo je u tabeli Zahtijevane tehničke karakteristike Aneks 3A, stavka 17. Oprema izostavio popuniti stavku „parking senzori naprijed-nazad“, te u skladu sa navedenim ponuda ponuđača je nepravilna iz razloga što ponuđač nije popunio minimalne tražene tehničke karakteristike i samim time nezadovoljava karakteristike predmeta nabavke.

Komisija za javnu nabavku roba, usluga i radova jednoglasno je predložila Općinskom načelniku da u skladu sa odredbama člana 69. stav (2) tačka d) Zakona o javnim nabavkama donese Odluku o poništenju postupka javne nabavke roba „Nabavka motornog vozila za potrebe Civilne zaštite“, jer nijedna od primljenih ponuda nije prihvatljiva. U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, rukovodilac ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku. Naime, u postupku je ocijenjeno da je Komisija u svemu pravilno postupila, te da je Odluka o poništenju postupka javne nabavke donesena jednoglasno u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Iz navedenih razloga, primjenom člana člana 68. stav (4) tačka i), član 69. stav (2) tačka d) Zakona o javnim nabavkama („Službeni glasnik BiH“ 39/14, 59/22 i 50/24), odlučeno je kao u dispozitivu.

#### **POUKA O PRAVNOM LIJEKU:**

Protiv ove odluke može se izjaviti žalba Uredu za razmatranje žalbi BiH putem ugovornog organa u pisanoj formi u najmanje tri primjerka, u roku od 10 (deset) dana od dana prijema ove odluke.

#### **DOSTAVLJENO:**

1. „Triab“ d.o.o. Sarajevo
2. Evidenciji
3. a/a

